



PORTAVÓS
VI GOVERNUN
KONSTITUSIONÁL



**KOMUNIKADU
BA MEDIA**

Díli, Loron 27 fulan-setembru tinan 2016

Timor-Leste maka “nasaun ne’ebé avansa maka’as liu” iha meta Saúde nian

Iha estudu boot ida, apresenta ona husi Nasoins Unidas iha kuarta, loron 21 fulan-setembru, ne’ebé publika ona iha revista médika *The Lancet*, klasifika ona Timor-Leste hanesan país, iha nasaun 188, ne’ebé avansa maka’as liu iha indikadór sira husi Objétivu Dezenvolvimentu Sustentavel (ODS) relasiona ho objetivu sira Saúde nian, iha períodu tinan 2000-2015.

Estudu, ho nia título “Sukat Objétivu sira Dezenvolvimentu Sustentavel kona-ba saúde iha nasaun 188: análise baze nian ida husi Estudu kona-ba Pezu Globál Moras nian, tinan 2015” (orijinál iha lia-ingles: *Measuring the health-related Sustainable Development Goals in 188 countries: a baseline analysis from the Global Burden of Disease Study 2015*), analiza ona dados kona-ba indikadór ODS 33 nian relasiona ho Saúde, durante tinan 1990-2015. Dados dezempeñu husi país 188 sira nian ne’e sei tulun atu kria baze ba indikadór foun ba hirak ODS ne’e.

Estudu ida hateten katak “iha Timor-Leste, alterasaun sira iha indikadór sira ODS nian kona-ba saúde barak liu mak alkansa tiha ona tanba mellora iha aspetu sira tuir mai ne’e: kobertura universál husi kuidadu saúde nian; iha aumenta husi profesionál kualifikadu sira durante inan sira tur-ahi; asesu ba kontrasesaun moderna; taxa labarik mate ho otas menus husi tinan lima nian no kosok oan foin-moris; kombate ba atrazu kresimentu ba labarik sira nian; hamenus espozisaun ba bee nee’eb’e la-moos no falta saneamentu; no hapara konflitu ne’ebé hamate ema”.

Haree liuliu mós katak “iha tinan hirak ikus ne’e, reforma ba kuidadu saúde nian no ninia finansiamentu hanesan prioridade sira iha ajenda polítika iha Timor-Leste, inklui implementasaun Ministériu Saúde nian Pakote Servisu Báziku sira Saúde nian ida no Pakote Servisu Ospital sira nian.

Klasifikasaun Timor-Leste nian iha índise mundiál Nasoins Unidas nian daudaun ne’e maka 122 tuir análise iha nasaun sira 188.

Governu Konstitusionál VI tau iha pratika programa boot iha saúde nian, husi fulan-fevereiru tinan 2015, atu sertifika katak progresu hirak ne’ebé hala’o dí’ak tebtibes ne’e la mantein de’it, maibé hala’o lalais loos. Entre sira ne’e, mós iha Kompañia Nasionál Imunizasaun kontra Sarampu, Rubéola Poliomielite, ne’ebé abranje ona liu ona porsentu 96 husi labarik sira ho otas 15 mai kraik. Nune’e mós ho lansamentu Pakote Abrajente ba Kuidadu Primáriu Saúde nian no Programa Saúde nian iha Família, no dezenvolvimentu no aprovasaun ba Rejime Kontrolu Tabaku nian, ho ninia kampaña edukasaun no apoiu servisu, sai nu’udar iniciativa sira ne’ebé maka merese atu fó atensaun.



Agio Pereira
+670 7723 0011
agio.pereira@cdm.gov.tl
govtlmedia@gmail.com
www.timor-lesste.gov.tl

Portavós Governu, Ministru Agio Pereira, observa ona, ho orgullu katak, “rekoñese nu’udar nasaun ne’ebé iha progresu maka’as tebes iha kampu saúde nian ne’e prova ona katak ita iha dalan ne’ebé loos. Ne’e maka hanesan insentivu ida ne’ebé dudu ita la’o ba oin hodi kontinua hadi’a di’ak liután saúde no moris-di’ak ba ita-nia sidadaun sira.” **REMATA**



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl